

mananga o taua Ture : Engari kua te Ota a te Kaunihera i whakaputaina i raro i nga tikanga o tenei tekiona, e whai mana kia pau ra ano nga marama e rua i muri iho i te ra i panuitia ai i roto i te *Gazette* : Engari hoki ko ia tuku i mahia i whakaotia ranei i raro i nga tikanga o tenei tekiona me ata whakamana e te Kooti i raro i nga tikanga o te rima-tekau-ma-toru o nga tekiona o taua Ture :

A notemea kua puta te kupu a te Kaunihera Takiwa Whenua Maori o Aotea, i te rua-tekau-ma-rima o nga ra o Aperira, kotahi mano e iwa rau ma wha, i tae mai nei i te rua-tekau-ma-toru o nga ra o Oketopa, kotahi mano e iwa rau ma rima, whakaatu mai ki te Kawana, he mea pai kia kapea katoa tera poraka wahi whenua ranei, tona nui e rima-tekau-ma-rima nga eka kotahi ruuri e toru-tekau-ma-warua, nga paati nui ake iti iho ranei, ara ko te whenua e mohiotia nei ko Pakaraka Nama 1c, kia kua e pangia e nga tikanga o te tekiona tahi rau tahi tekau ma whitu o "Te Ture Kooti Whenua Maori, 1894," he mea kia taea ai te tuku i runga i te rihi :

Na reira, tenei His Excellency te Kawana o te Koroni o Niu Tirenī, i runga i tana whakahaerenga i nga mana kua whakataua nei ki runga ki a ia e tekiona wha o "Te Ture Whakatikatika i nga Ture Whenua Maori, 1895," i runga hoki i te kupu tohutohu, kupu whakaae hoki a te Kaunihera Whiriwhiri o taua koroni, ka kape nei kia kua ai e tau nga tikanga o tekiona tahi rau tahi tekau ma whitu o "Te Ture Kooti Whenua Maori, 1894," ki runga ki katoa tera poraka wahi whenua ranei kei roto i te Takiwa Whenua o Poneke e takoto ana, tona nui e rima-tekau-ma-rima nga eka kotahi ruuri, e toru-tekau-ma-warua nga paati, ara ko te whenua e mohiotia nei ko Pakaraka Nama 1c, koina te whenua e mau nei tona whakaaturanga i roto i te Ota Wehewehe o te Kooti Whenua Maori i whakaputaina i te tekau-ma-wha o nga ra o Tihema, kotahi mano e iwa rau, ki a Huhana Manakore me etahi atu, he mea kia taea ai taua whenua te tuku i runga i te rihi.

ALEX. WILLIS,
Kai-tuhituhi o te Kaunihera Whiriwhiri.

Kapenga whenua kia kua e pangia e nga tikanga o Tekiona 117 o "Te Ture Kooti Whenua Maori, 1894."

PLUNKET, Kawana.

OTA A TE KAUNIHERA.

I te Tari o te Kawanatanga, i Poneke, i tenei te rua tekau-ma-whitu o nga ra o Nowema, 1905.

Tu ana i reira :

KO TE RIGHT HONOURABLE R. J. SEDDON HEI TUMUAKI O TE KAUNIHERA I TAU RA.

NOTE MEA i raro i nga tikanga o tekiona wha o "Te Ture Whakatikatika i nga Ture Whenua Maori, 1895," kua meinga hei Ture, ka ahei te Kawana i runga i te Ota a tona Kaunihera, ki te kape atu kia kua e pangia e nga tikanga o te tekiona tahi rau tahi tekau ma whitu o "Te Ture Kooti Whenua Maori, 1894" (ka huaina i raro nei ko "taua Ture"), mo tetahi wa poto, wa roa ranei, i runga ano i nga ritenga me nga tikanga me nga here e ata whakaaturia ana i roto i taua ota, tetahi whenua, tetahi paanga, whai taketanga ranei ahakoa kei hea e takoto ana, e ekengia ana e te mana o taua tekiona; a ka ahei hoki ia ki te kape pera atu i tetahi whenua mo te taha anake ki te tangata kei a ia e rihi ana taua whenua, mo tetahi atu tangata ranei e noho whai-tikanga ana i runga i tetahi whenua kua whakapaia e ia, kua utua ranei o ia he moni ki nga tangata Maori no ratou taua whenua hei rihi hei hoko ranei i taua whenua i mua atu i te mananga o taua Ture : Engari kua te Ota a te Kaunihera, i whakaputaina i raro i nga tikanga o tenei tekiona, e whai mana kia pau ra ano nga marama e rua i muri iho i te ra i panuitia ai i roto i te *Gazette* : Engari hoki ko ia tuku i mahia i whakaotia ranei i raro i nga tikanga o tenei tekiona me ata whakamana e te Kooti i raro i nga tikanga o te rima-tekau-ma-toru o nga tekiona o taua Ture :

A notemea kua puta te kupu a te Kaunihera Takiwa Whenua Maori o Aotea, i te tekau-ma-toru o nga ra o Oketopa, kotahi mano e iwa rau ma wha, i tae mai nei i te toru-tekau-ma-tahi o nga ra o Hurae, kotahi mano e iwa rau ma rima, whakaatu mai ki te Kawana, he mea pai kia kapea katoa tera poraka tera piihi whenua ranei, tona nui e rima rau tekau-ma-rua nga eka, nui ake iti iho ranei, ara ko te whenua e mohiotia nei ko Awarua 3A Nama 2E Nama 3, kia kua e pangia e nga tikanga o te tekiona hotahi rau tahi tekau-ma-whitu o "Te Ture Kooti Whenua Maori, 1894," he mea kia taea ai taua poraka te rihi.

Na reira, tenei His Excellency te Kawana o te Koroni o Niu Tirenī, i runga i tana whakahaerenga i nga mana kua whakataua nei ki runga ki a ia e tekiona wha o "Te Ture Whakatikatika i nga Ture Whenua Maori, 1895," i runga hoki i te kupu tohutohu, kupu whakaae hoki a te Kaunihera Whiriwhiri o taua koroni, ka kape nei kia kua ai e tau nga tikanga o tekiona tahi rau tahi tekau ma whitu o "Te Ture Kooti Whenua Maori, 1894," ki runga ki katoa tera poraka tera piihi whenua ranei kei roto i te Takiwa Whenua o Poneke e takoto ana, tona nui e rima rau tekau-ma-rua nga eka, nui ake iti iho ranei, ara ko te whenua e mohiotia nei ko Awarua 3A Nama 2E Nama 3, koina te whenua e mau nei te whakaaturanga i roto i te Ota Wehewehe o te Kooti Whenua Maori, i whakaputaina i te rua-tekau-ma-warua o nga ra o Mei, kotahi mano e iwa rau ma wha ki a Ratima Hakopa me tetahi atu, he mea kia taea ai taua whenua te rihi.

ALEX. WILLIS,
Kai-tuhituhi o te Kaunihera Whiriwhiri.

PANUITANGA KOOTI WHENUA MAORI.

WHAKANUKUHANGA I TE TUUNGA O TE KOOTI WHENUA MAORI KI RAKARANA KI TE 2
O NGA RA O APERIRA, 1906.

Tari Kooti Whenua Maori, Akarana, 2 o Tihema, 1905.

HE panuitanga tenei kia mohiotia ai ko te tuunga o te Kooti Whenua Maori i panuitia kia tu ki Rakarana a te 5 o nga ra o Tihema, 1905, kua whakanukuhia ki te 2 o nga ra o Aperira, 1906.

[Auckland, 1906-1.]

Na A. H. HORANA, Teputi Kai-Rehita.